

Historia Breve di Gilberto Francois (BETICO) Croes

1938-1986

1938:

25 Januari, Betico a nace na Santa Cruz Aruba.

Bida estudiantil:

1944 - 1954: School basico na Aruba, H.B.S., 3e klas na Aruba, Sint Dominicus College, Oranjestad.

1954-1959: Kweekschool na Hulanda.

Maestro di school:

1959 - 1967: Betico a traha como un educador ehemplar na tanto Sint Jozef School como na Sint Antonius College na Santa Cruz. Ademas di Hoofdakte, Betico a obtene L.O. Spaans y L.O. Handel.

1970-1971: Maestro na Sint Antonius College.

Bida social:

Su actividadnan den bida social deportivo cultural ta enorme. E tabata activo den Aruba Table Tennis Association, den Aruba Sport Unie, den Estrella, den Estrella Musical, den Consejo Parokial Santa Cruz.

Bida politico:

1967-1986: Na 1967 AVP a haci un apelacion ariba Betico pa reforza politica Arubano y asina Betico a subi lista di AVP na 1967 como candidato nr. 5.

Desde 1 Juli 1967 te 1985 e tabata miembro di Eilandsraad di Aruba y te cu algun luna prome cu su morto 26 November 1986, e tabata miembro di Parlamento di Aruba. A la vez e tabata miembro di Staten y di Antiyas Hulandes desde September 1973 pa su prestigioso partido MEP. Durante un corto tempo, Betico tabata presidente di Staten di Antiyas Hulandes.

For di 1 Juli 1967 te 2 September 1970, Betico tabata diputado di Enseñanza, asuntonan general y personal, registro civil y biblioteca publico.

Despues di un kiebra den AVP na aña 1970, Betico cu algun amigo a funda e prestigioso partido MEP ariba 9 Februari 1971. 1971: Miembro di Comision di Reino, caminda Betico a lucha incansablemente pa Aruba haya su Status Aparte.

1972: Delegacion di e 3 lidernan di fraccion den Eilandsraad a bay Hulanda ariba insistencia y mocion di Betico pa convence Hulanda di nos lucha sagrado "Status Aparte". Un Aruba soberano cu lazonan estatal cu Hulanda.

Door cu Hulanda a keda rechaza e idea di Status Aparte, Betico y MEP a worde obliga pa bay cu e idea di Independencia pa salba for di un Federacion Antiyano.

18 Maart 1973: Manifestacion grandioso den Wilhelmina Stadion. Miles di Arubiano a demostra Parlamentarionan di Hulanda y Antiyas cu Aruba ta exigi su libertad (Independencia) ariba e dia cu Aruba ta recorda 25 aña cu Hulanda a reconoce e derecho di Aruba pa opta pa su Status Aparte den Reino Hulandes na 1948 ariba 18 di maart.

Eleccion 1973:

Betico y MEP a boga pa Referendum y e partido mayoritario di e tempo ey, P.P.A. a vocifera cu e eleccionnan di 1973 lo mester ser considera como un referendum ya cu P.P.A. tabata boga pa un federacion y MEP pa Independencia di Aruba. Betico su partido MEP a gana e eleccionnan grandemente (5 di e 8 statenzetels).

19 September 1973: Mocion pa Staten di Antiyas a reconoce Status Aparte di Aruba: E mocion a ser acepta casi unanimamente cu un solo vota contra.

1974: Betico a perora pa inestabilidad e departamento di Estructura Estatal di e islanan.

18 Maart 1975: "Grandioso: marcha di Libertad cu flambeeuw" organiza pa MEP (Betico) den cayanan di Oranjestad.

Eleccionnan di Eilandsraad - 25 April 1975 - "Decision 1975":

Victoria abrumador pa MEP, 13 di e 21 asientonan MEP a obtene. Betico a obtene 5743 votos y a bira "Consehero General" di e Bestuurscollege di Aruba.

18 Augustus 1975: Mocion di Eilandsraad cual lo haci posible e misionnan pa e exterior pa busca apoyo pa e lucha di e pueblo di Aruba: "Derecho di autodeterminacion di e pueblo di cada isla".

12 September 1975: Mocion di Staten di Antiyas pa reconoce e derecho di autodeterminacion di e pueblo pa cada isla. December 1975: Kiebra di MEP cu gobierno Central a basa di Sint Anna Shipyard e.o.

18 Maart 1976: Inauguracion Himno y bandera. E decreto a ser acepta dia 16 Maart 1976 den un reunion publico di Eilandsraad.

25 Maart 1977: Referendum pa e pueblo duna su opinion sea independencia of federacion. 83% a vota pro independencia.

17 Juni 1977: Un vez mas pueblo ta duna MEP y Betico e mandato pa goberna Antiyas.

Augustus 1977: Accion total di pueblo di Aruba contra Gobierno Central. Betico y MEP cu e accionnan aki ta hala atencion pa nos lucha na un nivel internacional.

Porfin Hulanda ta duna contenido na art. 26 di Eilandenregeling. Un delegacion Arubiano ta ser ricibi door di Hulanda.

19-20 April 1978: Reunion Tripartite entre Hulanda, Aruba y Antiyas a base di igualdad. "Independencia di Aruba" a bira asunto di Reino.

21 September 1978: Delegacion Antiyano, lider Betico y tambe srs. Don Martina y Frans Figaroa a participa na debatenan den Tweede Kamer na Den Haag ariba e derecho di autodeterminacion pa Aruba.

1 November 1978: Protocolo pa formacion di grupo di trabao di Reino.

14 November 1978: Participacion den 2e Kamer unda Betico a hiba palabra.

17 Januari 1979: Instalacion di grupo di trabao di Reino.

30 April 1979: Eleccionnan di Eilandsraad. MEP a logra 12 di e 21 asientonan. Betico a acumula 6064 votos.

6 Juli 1979: Eleccionnan di Staten. Un biaha mas pueblo a corona Betico y MEP su lucha cu un mayoria aplastante. Betico a logra 9419 votos.

Februari 1980: Prome reunion di Ronde Tafel Conferentie na Den Haag.

25 Februari 1981: Protocolo R.T.C.

- Derecho di autodeterminacion - garantias - independencia di Aruba, etc.

18 Maart 1981: Prome lustro di himno y bandera.

18-20 Maart 1981: Conferencia internacional di MEP na ocasion di segundo lustro di existencia di MEP.

7 September 1981: En vista cu e partidonan Antiyano a keda rechaza e resultadonan di e conferencia di Mesa Rondo y pa motibo di e riquezanan mineral den awanan teritorial di Aruba, MEP a sali for di gobierno.

October 1981: Protocolo di Den Haag, instalacion di Comision di siete.

12 November 1982: Entrega di e rapport di e comision di siete.

12 Maart 1983: Betico y Aruba a conclui R.T.C. exitosamente. Hulanda y Antiyas a acepta Status Aparte.

24 April 1983: Betico a bira victima di un disparo di un agente policial.

29 April 1983: MEP atrobe victorioso den eleccionnan.

September 1984: MEP a drenta gobierno central cu e cartera



nobo pa prepara Status Aparte.

Mei 1985: Parlamento Hulandes a acepta cambio di Statuut: Status Aparte pa Aruba pa 10 aña. Aruba a acepta su constitucion, Antiyas a acepta su Status Aparte.

30 December 1985: Betico ta tene su discurso di despedida den Staten di Antiyas y a gradici Antiyas pa e cooperacion.

31 December 1985: O Antiyas a firma e ultimo leynan preparatorio. Betico a haya accidente di trafico y ta perde conocimiento.

1 Januari 1986: Aruba a drenta Status Aparte cu su propio gobierno y parlamento; Su propio constitucion y teritorio.

3 Januari 1986: Betico a ser traslada pa Miami den estado critico, despues pa Chicago, y luego Maastricht y pa Utrecht, Holanda.

26 November 1986: Betico a fallece sin recobra su conocimiento.

30 November 1986: Entierro di Betico pa su pueblo stima na Aruba.

18 Maart 1987: Gobierno a duna e Plaza Libertad e nomber di Plaza G.F. (Betico) Croes.

14 Februari 1989: Gobierno a yama e plaza Plaza Libertador G.F. Betico Croes.

Betico, tata di nos patria.